

## COVESSION ARAOC MERVEL

(Confession)

Les strophes qui suivent existent dans le premier original (minute), mais non dans le deuxième (copie). Peut-être existaient-elles déjà dans une publication ?

O ren va nuneg vloaz é voen me recevet  
Gant person va farréz gand henor ha respet  
D'ober va c'hommunion é mesk ar vugalé  
Pemb bloaz em euz bevet é karantez Doué.

Da ben va c'houezeg vloaz é voen neuze kollet  
Gand diou plac'h dirollet hag ho c'hamaradet  
Ma ienn me gant ho bemnoz d'ar bal ha d'an dansou  
Va malloz a bedan gand an neb ho heuillo.

Deuz a bemp crouadur em euz laket er bed  
Nemet unan a zo beo, pevar em euz lazet  
Ar c'henta em euz ganet é kichen kear Vitré  
Hen taoliz er rinvier pa oé ganet gané.

An eil a voa maro ben ma teuz er bed  
He blantiz en eur bern teil é park va amezec  
Ha nemed an trédé a zo chomet é bué  
Etré kear Maria e voé ganet gané.

Hen kassiz prest d'ar porched hag eno bet kavet  
Gant daou zen goz paour o tremen er veret  
Ha biskoaz den ne zouetaz va zorfejou fallacr  
Nemet an daou mañ, en deus gwezet ma zât.

Pa bignaz war ar botanz é c'houlennaz amzer  
Da gelenn ar iouankiz a oa deut hi c'hever  
Me zo hirio siwaz melezour dior frañk  
Diwallit diouz ar bed, m' ho ped merc'hed iaouank.

Pedit Doué d'ho sikour, hag hé vamm ar Werc'hez  
Da bellat diouzoc'h ar gwall gompagnunéz  
Rac, dre va buez fall zo bet douget ar zetanz  
A me rank mervel mezuz siwaz ouz ar botañz.

Ententit ar maro zo d'ime pourchasset  
Va Jezuz trugarezuz ho pet ouzon truez  
Pa renkan mond d'ar maro, va c'horf paour vo devet  
Al ludu anezhañ gant an avel strinket.

Sonjit ervat em buéz etrezoc'h bugalé  
Ha sentit ouz ho tud balamour da Zoué  
Hag e vezot sur eun deiz da veza curunet  
Gand Jezuz en hé c'hloar é palez an dreindet.